

Headline	'Bukan sesuatu yang membanggakan'		
MediaTitle	Sinar Harian		
Date	18 Apr 2020	Color	Full Color
Section	Nasional	Circulation	140,000
Page No	11	Readership	420,000
Language	Malay	ArticleSize	346 cm ²
Journalist	Khairil Anwar Mohd Amin	AdValue	RM 7,335
Frequency	Daily	PR Value	RM 22,005



'Bukan sesuatu yang membanggakan'

Eric Paulsen sifatkan Malaysia punyai ruang secukupnya untuk bantu etnik Rohingya

Oleh **KHAIRIL ANWAR MOHD AMIN**

KUALA LUMPUR

Wakil Malaysia ke Suruhanjaya Antara Kerajaan ASEAN Mengenai Hak Asasi Manusia (AICHR), Eric Paulsen menyifatkan tindakan pasukan tentera menghalang pendarat Rohingya memasuki ke negara ini sebagai sesuatu yang tidak boleh dibanggakan.

"Ini tidak berpatutan. Tidak apa yang boleh dibanggakan. Menyekat pelarian yang terdesak untuk mendarat setelah berbulan atau berminggu di laut boleh menyebabkan kematian.

"Dunia telah melihat perkara ini berulang kali," kata Eric Paulsen meneru-



Keratan Sinar Harian semalam.

si ciapan di akaun Twitter-nya semalam.

Beliau berkata demikian sebagai mengulas kejayaan Tentera Udara Diraja Malaysia (TUDM) dan Tentera Laut Diraja Malaysia (TLDM) yang berjaya menghalang kemasukan pendarat Rohingya di perairan Langkawi kelmarin.

Sementara itu, ketika dihubungi *Sinar Harian* semalam, Paulsen berkata, Malaysia masih mempunyai ruang secukupnya untuk membantu menangani isu pelarian etnik Rohingya ke negara ini meskipun terpaksa berdepan cabaran pandemik koronavirus (Covid-19) keti-

ka ini.

Menurutnya, di sebalik usaha keras memerangi Covid-19 termasuk arahan penutupan sempadan perairan antarabangsa, Malaysia masih perlu menghormati prinsip *non refoulement* yang menekankan aspek kemanusiaan untuk menerima mana-mana pelarian yang tiba ke negara ini.

Bagaimanapun, katanya, satu prosedur standard operasi (SOP) ketat perlu diwujudkan kerajaan de-



ERIC PAULSEN

ngan kerjasama Kementerian Kesihatan Malaysia (KKM) dan Suruhanjaya Tinggi Persatuan Bangsa-bangsa Bersatu bagi Pelarian (UNHCR) untuk menerima pelarian etnik Rohingya bagi mengelakkan mereka menjadi kluster baharu Covid-19.

"Saya fikir Malaysia boleh berbesar hati menerima ramai pelarian etnik Rohingya ketika ini bagi mengelakkan kemungkinan

berlaku tragedi kemanusiaan lebih besar sekiranya bot-bot pelarian mereka diusir keluar dari perairan negara.

"Malaysia mempunyai ruang untuk membantu mereka melalui kerjasama UNHCR dan KKM memandangkan kita tidak patut menghalang atau menafikan hak kemanusiaan mereka," katanya.

Paulsen berkata, sejak tahun 2015, polisi kerajaan terhadap aspek bantuan kemanusiaan kepada pelarian etnik Rohingya ke negara ini amat konsisten.